



IMA UVA HUNG LHUNG DING KITATUONA

Simun 11: June 15, 2024




"Thutah chun amaho hi
suthieng in; nangma thu
chu thutah ahi"

(John 17:17)



Achesa kum jabi tampi sung hin Christa leh Satan kidouna hi Pathien hou chungchang thudol jieh ahung hi. Pathien hou ding ham, thildang, Pathien hina dihlou tah a tahlahna, joh kilhen ding ham ti ahung hi peh e.

Pathien hina dihlou tah a atahlah nung in, Satan in mite, houbungte chuleh gamsung thahatna gei mangcha in, Siempa hou ding kisah suhmangna natos ahin bol tan ahi.

Thudih um jingsa, Pathien Dan gei in, heikoi in ahung um in, Sabbath jieng jong mite hetphahlou in aumdohsah tai. Kidouna nukhah pen chu hiche nikho dih thudol jieng hung hiding ahi. Satan manchah thaneiho kimaitopi ding kigosa'n um u hite.







Kitatuona:

-  Hou thudol.
-  Kibahpilouho domlelna.



Melmapa:

-  Dragon laltouna.
-  Kisuhliemna damdoh kit.
-  Kelngoinou leh dragon.

The image features a purple-tinted illustration of an unrolled scroll. The scroll is held open by four wooden pegs at the corners. The text 'KITATUONA' is written in a bold, 3D, purple font across the center of the scroll. The letters have a slight shadow and a reflection below them, giving them a three-dimensional appearance. The background of the scroll is a light purple color with some texture and shading to suggest depth.

KITATUONA

HOU THUDOL

“Vo ka-Pakai u leh ka-Pathien u, nangma bou vahchoi leh choi-at, chuleh thilbolthei thahat chang a lom nahi. Ajieh chu ima jouse nangma siem ahi. Chuleh nangma phatsah a hicheng chu um a, kisiem ah ahi” (Thuphuon 4:11)




Van thilsiem hon Pathien chu siempa ahi jie in ahou un ahi (Rev. 4:11; Job 38:6-7).

Pathien chu ihouna ding un amatah Siempa leh Huhhingpa ahina'n ahung kitahlah e. (Is. 45:6-7, 18-20; 65:18).

Khang nunung mite dia thusap chun Pathien chu Siempa ahina jal a vannuoi in ahou din atiem e (Rev. 14:7).

Satan in hichu achu in, “sahiem” mangcha'n “alim” aboldoh in, vannuoi mite'n ama joh ahin hou diuvin ago'n ahi (Rev. 13:2, 4, 14-15).

Hiche phaatsung hin Sabbath thudol a kitatuona ahung nasa leh in ahi. “Pathien thupieh nit a chuleh Jesu tahsanna nei” hon (Rev. 14:12) Siempa thilsiemho geldohna nikho a Ama ahouji u ahi.



KIBAHPILOUHO DOMLELNA

“Amahon kikhopna a kuon a nahin kaidoh ding u phaath chu hung lhung ding ahi, chutiengle koi hile nathat chan u chu Pathien ding a na-pha tong a kingaito ding ahi” (John 16:2).



Tahsa a galsat ihipo uvin, lhagaova joh a ihibouvui (Eph. 6:12). Tahsa galvon imangpo uve, lhagao galvon joh ahi (2Co. 10: 3-5). Hinla, melma chun tahsa galvon mangcha'n jong douna eibolkhum un ahi.

Satan in houbung dihtah chung a gal abol jieh a tahsan chate “kana” vang athon ahipoi (Rev. 12:12). Satan din vang galvon manmo aumpoi.

Mite lung ngaichat a kuon Satan in alhemji e (Jacob 1:14)


Vannuoi thudol a kuon mite alhemlha e (2Co. 4:3-4)

Mite ma amangchaji e (Mt. 10:34-36)

Thagum leh gilsalna amangchaji e (Solchahte 5:40)

Mite chung ah khut alha in, tuol athatji e (John 16:2)

Hiche hi Satan nath dan ahi khangthusim a kuon mudoh thei ahin, khang kichaina nikho a jong ahin bolkit ding ahi: duha leh chihgutna (Rev. 13:13-14), choh leh juoh thudol (Rev. 13:16-17); tha dia gihsalna gei a ahin manchah ding ahi (Rev. 13:15).





MELMAPA

DRAGON LALTOUNA

“Dragon chu (sahiem chu) athahat leh alaltouna, chuleh athuneina chungnung ama chu apetan ahi. (Rev.13:2b)

Dragon chu Satan amatah ahi (Rev. 12:9), athanei tahlahna amanchah sahiem chu Daniel 7 a sahiem 4na khu ahi (keipi, savom leh lutnu jouva sahiem khu Rev. 13:2).

Thuphuon 13 hi bung 12 thudol hilchietbena ahi. Jesu tha ding kigot jouva, chuleh van akaltou jouva thilsuohho ahi (Rev. 12:3-5). Chang masa a chun houbung chung a kum 1260 sung douna natch thudol akimu pai e. Chang dangse a chun “dragon chu numeinu chung ah alunghang in, amanu chilhah Pathien thupieh nit leh Jesu thu hettosah jop amohchengse chutoh kisat ding in akuondoh” thudol akimui (Rev. 12:17).



Europe nam tampi'n ahin bulhu jouvin Rome kumpi chu ahung kikehso tai. Ol ol in Rome gam thaneina houbung khut ahung lut tai. Hiti chun houbung chun gamsung thaneina (political power) ahin neithe tan, houbung mi kitah tahho sugenthei ding, Pathien dou thaneina, chu ahung suohdoh tai (Rev. 13:4-8).



KISUH LIEMNA DAMDOH KIT

"Gal hing kai a chu gal hing a kikai ding, chemhiem a mithat chu chemhiem a lou ding ahi. Hiche a hin mithiengho thuohhat le tahsan kilang a ahi" (Rev.13:10) (adapted).

Kum jabi tampi athaneina mangcha a "gal hing tampi akai" nung leh "chemhiem a tampi atha" nung in (Rev. 13:10), Rome Houbung amatah chu gal hing a kai in aum tan (Pope Pius V Napoleon in suongkul a ahen), hichun "thikhop hiel liemna" achang tan ahi. (Rev. 13:3).

Papal States kiti gamho kum 1870 chan pope in vai anahom vang in, Italy gam kiphudoh chun alahpieh tauvin ahi. Hiche phaath lai chun Rome Houbung thaneinasaho hung kilekit inte tin koiman atahsan tapon ahi.

Kum 1929 chun Vatican Khopi chu gamtum hidin pompieh ahitai. Hichu sahiem kisuhliemna damdoh kipatna ahung hitan ahi. Tuban in ipi ahung umbe ta dem?




LATERAN COVENANT kiti Italy leh Pope kinoptona

Phaath nunung ahung lhun toh lhon in vannuoi buoinaho sulham thei ding lamkai pha hung kihol ding, Pope thuneina in leisiet damtheina ding lampi ateppehho lah a vannuoi insung leh mite, chuleh namho kipumkhatna dia Sunday nit a, choldo ding, jong hung jao tei ding ahi.



KELNGOINOU LEH DRAGON

“Chuin sahiem chuomkhat ma leisiet a kuon ahungdoh kamun ahi; ama chu kelngoinouva tobang aki ni ahin, chuleh dragon bang bang in thu ase i e” (Thuphuon 13:11)



Sahiem masa chu Jesu'n aphudoh houbung chomkhat jouva hung chekhiel akuon hung umdoh ahi. Sahiem suhliem ahi chun athalheng ding “thiemgao lhem”, amun lo ding leh amaha sudam ding, akihol tan ahi (Rev. 13:11; 16:13). Kithopi ding guol phatah khat akimui: hichu Christa tahsante gam a kihe America chu ahi.

Ama chun Jesu umchan atho e (Kelngoinou). Leng neilou kivaihopna gam ahin, kini anei chu tha ni anei-gamthu leh houthu kisamkaina neilouva kivaihopna chu ahi.

Vannuoi gam thaneipen ahina in dragon bang in thu ase i tan ahi. Sotlouvin hou thudol dan hin siem in tin, pope tosotna pan ahinlah ding, hichu “sahiem lim” ahin boldohna hiding ahi (Rev. 13:12-14).



“Sahiem lim chu houthu a kiloikhomna khat vetsah ahi, hichun amasajopa thaneina bang chet aneikit ahi. Sahiem lim chu kelngoi bang melpo ahi. Hiche kelngoi melpo sahiem chu America vetsah ahi, cham le nunnem tah gam. America gamsung houbung ho, tahsan thudol a kibahna aneiho u pansan a, lung khat hung hiding u ahi. Hiche kipumkhat houbungho hin, gamsung thuneihon hou thudol a dan ahin siem a, houbungho thilbol tosotna ahin neina diuva, ahin thunun ding u ahi. Hiti a ahung um tieng Protestantte gam America chun pope (Rome Houbung) lim ahin boldohna hiding ahi. Chutieng houbung dihtah chu masang Pathien mite kisuhgenthei bang tah a suhgenthei hung hidiu ahi.”

EGW (History of Redemption, Srme 1.116g)